



SAKSPAPIR

| Saksnr | Utval | Type | Dato |
|---------|------------------------|------|------------|
| 16/2022 | Bygdeutviklingsutvalet | PS | 20.09.2022 |

| Sakshandsamar | Arkiv | ArkivsakID |
|-----------------|----------------|------------|
| Tore Henrik Øye | FE-223, FA-V12 | 22/1043 |

HANDSAMING AV SØKNAD OM BYGDEUTVIKLINGSMIDLAR - BRUK AV TELEFONKIOSK TIL INFORMASJON OM EKSINGEDALEN - EKSINGEDALEN BYGDARÅD

Vedlegg:

Søknad bygdeutviklingsmidlar

Kommunedirektøren sitt framlegg til vedtak:

Eksingedalen Bygdaråd får tildelt inntil kr. 27 000,- i bygdeutviklingsmidlar til å nytte gamal, raud telefonkiosk til informasjon om aktivitetar og opplevingar i Eksingedalen.

Tilskotet utgjer 53 % av budsjettet/godkjent kostnad på kr. 51 000,-. Lågare dokumentert kostnad, kan gje lågare tilskot.

Tilskotet vert betalt ut etter innsending av sluttrapport, med kostnadsdokumentasjon.

Søklar må sjølv syte for å hente inn eventuelle, naudynpte løyve etter aktuelle lovverk, før oppsetjing av kiosken.

Det vert gjeve kr 15.000 til informasjonskiosk Eksingedalen

Bygdeutviklingsutvalet - Sak 16/2022

BYG - Behandling:

Endringsframlegg frå Edvin Hesjedal, H:

Det vert gjeve kr 15.000 til informasjonskiosk Eksingedalen

Røysting:

Kommunedirektøren sitt framlegg vart sett opp mot Edvin Hesjedal sitt framlegg:

Kommunedirektøren sitt framlegg vart vedteke med 3 røyster (Arne Normann, Ståle Kallestad Hesjedal og Line Eide Vik).

BYG - Tilråding/Vedtak:

Eksingedalen Bygdaråd får tildelt inntil kr. 27 000,- i bygdeutviklingsmidlar til å nytte gamal, raud telefonkiosk til informasjon om aktivitetar og opplevingar i Eksingedalen.

Tilskotet utgjer 53 % av budsjettet/godkjent kostnad på kr. 51 000,-. Lågare dokumentert kostnad, kan gje lågare tilskot.

Tilskotet vert betalt ut etter innsending av sluttrapport, med kostnadsdokumentasjon.

Søklar må sjølv syte for å hente inn eventuelle, naudynnte løyve etter aktuelle lovverk, før oppsetjing av kiosken.

Saksopplysningar:

Samandrag/konklusjon (kort om saka)

Eksingedalen Bygdaråd, v/ Magnar Nese, søker om kr. 27 000,- i tilskot frå bygdeutviklingsutvalet til bruk av gamal, raud telefonkiosk for å informere om aktivitets- og opplevingstilbod i Eksingedalen.

Førmålet med bruk av telefonkiosken er å skape merksemd om kva dalføret har å tilby (samordning).

Kommunedirektøren vurderer at tiltaket er i tråd med bygdeutviklingsmidlane sitt føremål, og går inn for å løyve kr. 27 000,- til innkjøp og oppsetjing av telefonkiosken. Dette er i tråd med søknadsbeløpet.

Bakgrunn for saka

Bygdeutviklingsutvalet har kr. 275 000,- i tilgjengelege tilskotsmidlar til fordeling ved søknadsomgangen i september 2022.

I søknad av 25.08.22 søker Eksingedalen Bygdaråd, v/ Magnar Nese, om kr. 27 000,- i tilskot til innkjøp og oppsetjing av gamal, raud telefonkiosk i Eksingedalen, som særmerkt og orginal «innretning» for å informere om aktivitetar, opplevingar og andre aktuelle tilbod i dalføret.

Telefonkiosken, som tidlegare stod på Lavik!, er no kjøpt attende for å nyttast som «informasjonskiosk». Kiosken har soleis lokalhistorisk verdi, og vil skape merksemd gjennom sin utsjånad og tidlegare bruk, i følge søker.

Dei gamle, raude telefonkioskane har den siste tida fått ny aktualitet, ved at «Foreninga lles» har teke dei i bruk til å etablere utlån av bøker. I dette høvet er det plassert ut kioskar mange stader i landet.

Etablering av «lesekiok» er vurdert, men søker har kome fram til at planlagt bruk vil vere meir til nytte.

Budsjettet til søknaden viser ein total kostnad på kr. 51 000,-, der innkjøp av kiosken kom på kr. 25 000,-. Dei andre kostnadane er knytt til oppussing, installasjonar og informasjonsmateriell. Bygdarådet finansierer sjølv kr 15 000,- (29 %), medan det er lagt opp til støtte frå «andre» på kr. 9 000,- (17%). Søknaden om tilskot frå bygdeutviklingsutvalet (kr. 27 000,-), utgjer 53 %.

Verdien av eigeninnsatsen er kr. 12 000,- (40 timar, a kr. 300,-). Dette beløpet er ikkje inkludert i kostnaden/søknadsbeløpet. Jf. søknaden for nærare informasjon.

Det er fram til no, ikkje teke stilling til kor kiosken skal stå.

Formelt grunnlag:

- Kommuneleva - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne 26.05.20:

[Vaksdal kommune - Retningslinjer for tilskot til bygdeutvikling](#)

Vurdering og konsekvensar:

Søknaden frå Bygdarådet er i tråd med krava til innhald i søknadar om bygdeutviklingsmidlar, med god skildring av tiltaket og kostnadsoversyn, inkludert finansieringsplan og eigeninnsats.

Føremålet med bygdeutviklingsmidlane er mellom anna å leggje til rette for engasjement og nye tilbod i grendesamfunna. Telefonkiosken vil truleg skape liten aktivitet i seg sjølv, ut over den lokale prosessen. Men kiosken vil vere eit punkt for å samle og synleggjere informasjon om Eksingedalen, og gjere det lettare å finne fram til tilbod, til dømes knytt til fiske i Ekso, overnatting på Haugen gard eller fotturar i Stølsheimen. Dette kan igjen auka oppslutnaden om tilboda, og fremje aktiviteten i dalføret. I tillegg vil kiosken, gjennom sin originalitet, kunne skape merksemd, og bli ein «snakkis».

Retningslinjene for bygdeutviklingsmidlane seier at ein skal ta omsyn til geografisk fordeling ved tildeling av midlar. I dette høvet er det gjort løyvingar til Eksingedalen ved fleire høve. Men med bakgrunn i ei samla vurdering av innkomne søknadar og tilgjengelege midlar, finn Kommunedirektøren grunnlag for å støtte søknaden som ligg føre. Her er vurderinga at søknaden ikkje vil gå ut over tildeling til andre søknadar/tiltak i nemneverdig grad.

Kommunedirektøren gjer framlegg om å løyve inntil kr. 27 000,- i bygdeutviklingsmidlar til innkjøp og oppsetjing av telefonkiosken. Dette utgjør 53 % av busjettert kostnad på kr. 51 000,- (utan eigeninnsats). Framlegget er i tråd med søknadsbeløpet.